

SLUŽBENI GLASNIK

BRČKO DISTRIKTA

BOSNE I HERCEGOVINE

Godina XIX – Broj 29

Ponedjeljak, 9. jul 2018. godine
BRČKO

Bosanski jezik

355

Na osnovu člana 31 stava 1 tačke n) Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi: 17/08, 20/10, 4/13 i 31/13), donosim

ODLUKA O PROGLAŠENJU ZAKONA O IZMJENAMA I DOPUNAMA ZAKONA O VISOKOM OBRAZOVANJU U BRČKO DISTRIKTU BOSNE I HERCEGOVINE

Član 1

Prolašavam Zakon o izmjenama i dopunama Zakona o visokom obrazovanju u Brčko distriktu Bosne i Hercegovine, koji je usvojila Skupština Brčko distrikta BiH na II. nastavku 31. redovne sjednice održanom 4. jula 2018. godine.

Član 2

Ova odluka bit će objavljena u Službenom glasniku Brčko distrikta BiH.

Broj: 01.1-02-44/18
Brčko, 4. jula 2018. godine

**PREDSDJEDNIK
SKUPŠTINE BRČKO DISTRIKTA BiH**
Esed Kadić, s. r.

Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10) i člana 63 Otvornog zakona o visokom obrazovanju u Bosni i Hercegovini (Službeni glasnik BiH, brojevi 59/07 i 59/09), Skupština Brčko distrikta Bosne i Hercegovine, na II. nastavku 31. redovne sjednice održanom 4. jula 2018. godine, usvaja

ZAKON O IZMJENAMA I DOPUNAMA ZAKONA O VISOKOM OBRAZOVANJU U BRČKO DISTRIKTU BOSNE I HERCEGOVINE

Član 1

U Zakonu o visokom obrazovanju u Brčko distriktu Bosne i Hercegovine (Službeni glasnik Brčko distrikta Bosne i Hercegovine, broj 30/09) u članu 2 stavu 1 tačke b), m), o) i u) mijenja se i glase:

„b) **akreditacija** je postupak provjere ispunjenosti kriterija i minimalnih standarda za obavljanje djelatnosti visokog obrazovanja i izvođenja studijskih programa, utvrđenih aktima Agencije za razvoj visokog obrazovanja i osiguranje kvaliteta (u

daljnjem tekstu: Agencija) s ciljem osiguranja kvaliteta u oblasti visokog obrazovanja;

m) **licenciranje** je postupak provjere ispunjenosti uslova za obavljanje djelatnosti visokog obrazovanja utvrđenih standardima i normativima i drugim podzakonskim aktima;

o) **odsjek** je podorganizaciona jedinica fakulteta, akademije, visoke škole koja se osniva radi obavljanja djelatnosti visokog obrazovanja i nauke ili umjetnosti u jednom ili više srodnih naučnih ili umjetničkih polja ili područja koja može imati više katedri;

u) **visoka škola** je visokoškolska ustanova koja je akreditirana za davanje diploma i stepena prvog ciklusa, s ciljevima koji uključuju pripremu i obuku pojedinaca za stručni, ekonomski i kulturni razvoj Bosne i Hercegovine i promociju demokratskog građanskog društva, te postizanja visokih standarda nastave i učenja, kao i visokoškolska ustanova koja realizuje najmanje jedan studentski program iz jedne naučne oblasti i ispunjava druge uslove u skladu sa zakonom“.

Član 2

U članu 12 stavu 1 tačka e) mijenja se i glasi:

„e) na prijedlog Vlade donosi odluku o davanju saglasnosti za osnivanje visokoškolske ustanove sa sjedištem u Distriktu“.

Iza tačke e) ovog stava dodaje se nova tačka f) koja glasi:

„f) na prijedlog Vlade donosi odluku o opravdanosti organizovanja studija visokoškolske ustanove sa sjedištem izvan Distrikta na području Distrikta“.

Dosadašnje tačke f) i g) postaju tačke g) i h).

Član 3

U članu 14 stavu 1 u tačkama d) i e) riječi: „i odjeljenja visokoškolske ustanove sa sjedištem van Distrikta“ se brišu.

Tačka f) ovog stava mijenja se i glasi:

„f) izdaje licencu visokoškolskoj ustanovi za obavljanje djelatnosti visokog obrazovanja“.

U tački h) ovog stava iza riječi: „za“ dodaju se riječi: „osnivanje f“.

U tački j) ovog stava riječi: „neispunjavanja uslova za njen rad“ zamjenjuju se riječima: „neotklanjanja utvrđenih nedostataka u radu u ostavljenom roku“.

Član 4

U članu 19 stavu 1 tačka d) mijenja se i glasi:

„d) realizuje studentske programe za koje je licencirana i akreditirana“.

Član 5

Član 29 mijenja se i glasi:

„Član 29

- (Rješenje o ispunjavanju uslova za osnivanje i početak rada)
- (1) Šef Odjeljenja imenuje komisiju koja ispituje uslove za osnivanje i početak rada i obavljanja djelatnosti visokog obrazovanja.
 - (2) Članovi komisije iz stava 1 ovog člana imenuju se sa liste stručnjaka utvrđene u skladu s članom 49 Okvirnog zakona.
 - (3) Na osnovu pozitivne ocjene komisije iz stava 1 ovog člana, Odjeljenje donosi rješenje o ispunjavanju uslova za osnivanje i početak rada i obavljanje djelatnosti visokog obrazovanja.
 - (4) Rješenje iz stava 3 ovog člana je upravni akt protiv koga nije dopuštena žalba, ali se može pokrenuti upravni spor.
 - (5) Visokoškolska ustanova se smatra osnovanom upisom u registar pravnih lica kod nadležnog suda (u daljnjem tekstu: Sudski registar), čime stiče status pravnog lica.
 - (6) Nakon donošenja rješenja iz stava 3 ovog člana i akta o osnivanju, na zahtjev visokoškolske ustanove, Odjeljenje izdaje licencu u skladu s članom 36 ovog zakona.
 - (7) Nakon dobijanja licence iz stava 6 ovog člana Odjeljenje vrši upis visokoškolske ustanove u Registar visokoškolskih ustanova.
 - (8) Postupak rada komisije iz stava 1 ovog člana propisuje se pravilnikom koji donosi šef Odjeljenja.”

Član 6

U članu 30 stavu 1 riječi: „ili u drugoj državi” brišu se.
U stavu 3 ovog člana riječi: „i akreditacija” brišu se.

Član 7

U članu 33 stav 4 se mijenja i glasi:

- „(4) Ukoliko visokoškolska ustanova u roku iz stava 2 ovog člana ne ukloni utvrđene nedostatke, Odjeljenje donosi rješenje o zabrani obavljanja djelatnosti visokog obrazovanja.”
Iza stava 4 ovog člana dodaju se novi stavovi 5 i 6 koji glase:

- „(5) Rješenje iz stava 4 ovog člana je upravni akt protiv kojeg nije dopuštena žalba, ali se može pokrenuti upravni spor.
(6) Pravosnažno rješenje o zabrani obavljanja djelatnosti Odjeljenje dostavlja osnivaču, nadležnom sudu koji vodi Sudski registar i Agenciji radi brisanja visokoškolske ustanove iz registra.”

Član 8

Član 34 mijenja se i glasi:

„Član 34

(Akreditacija)

- (1) Visokoškolske ustanove se akreditiraju po osnovu institucionalne i programske akreditacije.
- (2) Institucionalna akreditacija visokoškolskih ustanova formalna je potvrda o ispunjenosti kriterija i minimalnih standarda za akreditaciju visokoškolskih ustanova koje utvrđuje Agencija.
- (3) Programska akreditacija je formalna potvrda ispunjenosti kriterija i minimalnih standarda za akreditaciju studijskih programa koje utvrđuje Agencija.
- (4) Rješenje o Institucionalnoj i Programskoj akreditaciji donosi šef Odjeljenja, nakon provedene nezavisne vanjske ocjene kvaliteta i preporuke Agencije.”

Član 9

Iza člana 34 dodaju se novi članovi 34a i 34b koji glase:

„Član 34a

(Faze akreditacije)

- (1) Akreditacija se provodi u tri faze:
 - a) samovrednovanjem od strane visokoškolske ustanove;
 - b) vanjskom provjerom, koju provodi komisija stručnjaka;
 - c) donošenjem odluke o akreditaciji.
- (2) Postupak akreditacije provodi se za visokoškolske ustanove i studijske programe.

Član 34b

(Komisija stručnjaka i Pravilnik)

- (1) Licencirana visokoškolska ustanova podnosi zahtjev za akreditaciju Odjeljenju nakon provedenog postupka

samovrednovanja i osiguranja kvaliteta u skladu s članom 39 ovog zakona. Nakon prijema zahtjeva i provjere njegove urednosti, Odjeljenje predlaže Agenciji stručnjake za akreditaciju u utvrđene liste stručnjaka.

- (2) Nezavisna Komisija stručnjaka, koju imenuje Agencija, provjerava ispunjenost kriterija o Institucionalnoj i programskoj akreditaciji visokoškolske ustanove iz člana 34 ovog zakona, u skladu s pravilnikom koji donosi šef Odjeljenja.”

Član 10

Član 35 mijenja se i glasi:

„Član 35

(Zahtjev za izdavanje, postupak, provođenje i dodjela akreditacije)

- (1) Zahtjev za dodjelu akreditacije podnosi se Odjeljenju.
- (2) Po zahtjevu iz stava 1 ovog člana šef Odjeljenja donosi rješenje kojim:
 - a) dodjeljuje akreditaciju;
 - b) odbija dodjelu akreditacije;
 - c) dodjeljuje uslovnu akreditaciju s rokom za otklanjanje nedostataka koji ne može biti duži od godinu dana;
 - d) oduzima akreditaciju.
- (3) Rješenje iz stava 2 ovog člana je upravni akt protiv kojeg nije dopuštena žalba, ali se može pokrenuti upravni spor, u roku od 30 dana od dana dostavljanja rješenja.
- (4) Visokoškolska ustanova kojoj je dodijeljena uslovna akreditacija obavezna je, najkasnije do isteka roka iz stava 2 tačke c) ovog člana Odjeljenju dostaviti izvještaj s potrebnim dokazima da su utvrđeni nedostaci otklonjeni u skladu sa zakonom.
- (5) Akreditacija se izdaje najduže na četiri godine, nakon čega se provodi ponovna akreditacija.
- (6) Ponovni zahtjev za akreditaciju može se podnijeti po isteku roka od godinu dana od donošenja rješenja kojim je odbijena dodjela akreditacije.
- (7) Rješenje o akreditaciji mora biti objavljeno na web-stranici Vlade i upisano u Registar.
- (8) Zahtjev za izdavanje akreditacije, način i postupak provođenja i dodjele akreditacije bliže se uređuju pravilnikom iz člana 34b ovog zakona.”

Član 11

Član 36 mijenja se i glasi:

„Član 36

(Licenca)

- (1) Licenca je dozvola za rad kojom se visokoškolskoj ustanovi odobrava obavljanje djelatnosti visokog obrazovanja na području Distrikta, koja se donosi u formi rješenja.
- (2) Postupak licenciranja provodi Odjeljenje na zahtjev visokoškolske ustanove.
- (3) U postupku licenciranja utvrđuje se da li su ispunjeni minimalni prostorni, kadrovski i drugi materijalno-tehnički uslovi za obavljanje nastavnog, naučno-istraživačkog i umjetničkog rada, utvrđeni Standardima i normativima za obavljanje djelatnosti visokog obrazovanja na području Distrikta.
- (4) Licencom se utvrđuje vrsta visokoškolske ustanove, studijski programi, maksimalan broj studenata koji se mogu upisati na studijske programe sva tri ciklusa i stepena, odnosno diplome koje visokoškolske ustanove mogu dodjeljivati.
- (5) Rješenje je upravni akt protiv kojeg nije dozvoljena žalba, ali se može pokrenuti upravni spor u roku od 30 dana od dana dostavljanja.
- (6) Visokoškolska ustanova može početi s radom, odnosno obavljati svoju djelatnost nakon dobijanja licence.
- (7) Pravilnik kojim se utvrđuje postupak licenciranja visokoškolskih ustanova donosi šef Odjeljenja.”

Član 12

Član 37 mijenja se i glasi:

„Član 37**(Oduzimanje licence)**

- (1) Ako se u postupku nadzora utvrdi da je visokoškolska ustanova prestala ispunjavati neki od uslova za obavljanje djelatnosti visokog obrazovanja, šef Odjeljenja donosi rješenje kojim oduzima licencu.
- (2) Ako se utvrđeni nedostaci mogu otkloniti bez bitnih posljedica na kvalitet studija u rješenju iz stava 1 ovog člana određuje se rok u kojem je visokoškolska ustanova dužna otkloniti utvrđene nedostatke.
- (3) Rok iz stava 2 ovog člana ne može biti duži od šest mjeseci.
- (4) Do donošenja rješenja kojim se utvrđuje da su nedostaci otklonjeni visokoškolska ustanova ne može:
 - a) vršiti prijem i upis studenata;
 - b) obavljati druge aktivnosti koje su uslovljene otklanjanjem nedostataka.
- (5) Protiv rješenja iz stava 1 ovog člana nije dozvoljena žalba, ali se može pokrenuti upravni spor u roku od 30 dana od dana dostavljanja rješenja.

Član 13

Član 38 mijenja se i glasi:

„Član 38**(Oduzimanje akreditacije)**

- (1) Odjeljenje može donijeti rješenje o oduzimanju institucionalne akreditacije visokoškolskoj ustanovi u slučaju da visokoškolska ustanova:
 - a) više ne zadovoljava uslove i kriterije na osnovu kojih je dodijeljena akreditacija;
 - b) u ostavljenom roku nije ispunila obaveze iz uslovne akreditacije.
- (2) Akreditacija studijskog programa dodijeljena visokoškolskoj ustanovi može biti oduzeta za sva tri ciklusa studija, u slučaju:
 - a) oduzimanja licence;
 - b) oduzimanja institucionalne akreditacije;
 - c) u svim drugim slučajevima propisanim zakonom.
- (3) U slučaju oduzimanja akreditacije visokoškolska ustanova može nakon 12 mjeseci ponovo podnijeti zahtjev za izdavanje akreditacije.
- (4) Rješenje doneseno u skladu sa stavovima 1 i 2 ovog člana je upravni akt protiv kojeg nije dozvoljena žalba, ali se može pokrenuti upravni spor u roku od 30 dana od dana dostavljanja rješenja.

Član 14

U članu 154 stavovi 1 i 2 mijenja se i glase:

- (1) Upravni nadzor nad radom visokoškolskih ustanova vrši Odjeljenje.
 - (2) U vršenju nadzora Odjeljenje može, s ciljem utvrđivanja relevantnih činjenica i okolnosti, zatražiti od nadležne inspekcije provođenje postupka inspekcijiskog nadzora i dostavljanje informacije o utvrđenom stanju i preduzetim mjerama.
- Iza stava 6 ovog člana dodaje se novi stav 7 koji glasi:
- „(7) Način provođenja i sadržaj nadzora koji vrši Odjeljenje utvrđuje se pravilnikom koji donosi šef Odjeljenja.“

Član 15

Član 155 mijenja se i glasi:

„Član 155**(Inspekcijiski nadzor)**

- (1) Inspekcijiski nadzor nad provođenjem ovog zakona i podzakonskih akata vrši Inspekcija za obrazovanje.
- (2) U vršenju inspekcijiskog nadzora inspektor za obrazovanje je ovlašten i dužan da:
 - a) zabrani rad visokoškolskoj ustanovi koja obavlja djelatnost visokog obrazovanja bez dozvole za rad;
 - b) naloži preduzimanje odgovarajućih mjera i radnji radi otklanjanja utvrđenih nepravilnosti ili nedostataka u radu visokoškolske ustanove;
 - c) naloži visokoškolskoj ustanovi poništenje upisa studenata koji su izvršeni suprotno odredbama ovog zakona i statuta visokoškolske ustanove;

- d) naloži zabranu rada lica na visokoškolskoj ustanovi koje nije u skladu sa zakonom steklo odgovarajuće naučno-nastavno zvanje;
- e) naloži visokoškolskoj ustanovi poništenje javne isprave iz člana 149 ovog zakona, koja je izdata suprotno odredbama ovog zakona i statuta visokoškolske ustanove;
- f) podnese izvještaj nadležnom organu o učinjenom krivičnom djelu;
- g) izda prekršajni nalog ili podnese zahtjev za pokretanje prekršajnog postupka za odgovorno lice visokoškolske ustanove;
- h) preduzme druge radnje i mjere za koje je zakonom i drugim propisom ovlašten.“

Član 16

U članu 156 stavu 1 tački d) broj: „(3)“ zamjenjuje se brojem: „(7)“.

Iza tačke t) ovog stava dodaje se nova tačka u) koja glasi:

„u) ne dozvoli vršenje nadzora u skladu s članom 154 stavom 1 ovog zakona“.

Dosađajna tačka u) ovog stava postaje tačka v), koja se mijenja i glasi:

„v) ne stupi po nalogu nadležne inspekcije izdatim u skladu s ovlaštenjima propisanim članom 155 ovog zakona“.

Član 17

U članu 160 stavu 1 tačka e) briše se.

Član 18

Iza člana 160 dodaje se novi član 160a koji glasi:

„Član 160a**(Donošenje podzakonskih akata)**

Šef Odjeljenja za obrazovanje dužan je donijeti podzakonske akte propisane ovim zakonom u roku od šest mjeseci od dana stupanja na snagu ovog zakona.“

Član 19

Član 161 mijenja se i glasi:

„Član 161**(Usklađivanje rada visokoškolskih ustanova)**

- (1) Visokoškolska ustanova sa sjedištem izvan Distrikta koja je organizovala studij na području Distrikta prije stupanja na snagu Zakona o visokom obrazovanju dužna je podnijeti zahtjev za izdavanje licence za obavljanje djelatnosti visokog obrazovanja na području Distrikta.
- (2) Postupak po zahtjevu iz stava 1 ovog člana provodi se u skladu s odredbama člana 36 ovog zakona.
- (3) Rješenje iz člana 29 Zakona o visokom obrazovanju (Službeni glasnik Brčko distrikta BiH, broj 30/09) izdato visokoškolskim ustanovama prije stupanja na snagu ovog zakona predstavlja licencu i prvu akreditaciju visokoškolske ustanove.
- (4) Licenca i akreditacija iz stava 3 ovog člana važi do rješavanja po zahtjevu za licencu i akreditaciju koji je podnesen prije stupanja na snagu ovog zakona, a u roku koji je određen Zakonom o visokom obrazovanju u Brčko distriktu BiH (Službeni glasnik Brčko distrikta BiH, broj 30/09) i rješavat će se u skladu s odredbama ovog zakona.
- (5) Visokoškolske ustanove koje nisu podnijele zahtjev za licencu i akreditaciju u skladu sa zakonom o visokom obrazovanju u Brčko distriktu BiH (Službeni glasnik Brčko distrikta BiH, broj 30/09) ne mogu ostvariti pravo na akreditaciju u skladu s ovim zakonom.“

Član 20

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-416/18

Brčko, 4. 7. 2018. godine

PREDSJEDNIK
SKUPŠTINE BRČKO DISTRIKTA BIH
Esed Kadrić, s. r.

356

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 39, 41 i 48 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), Skupština Brčko distrikta BiH, na II. nastavku 31. redovne sjednice održanom 4. jula 2018. godine, donosi

**ODLUKU
O IZMJENI ODLUKE O IMENOVANJU
PREDSJEDAVAJUĆIH I ČLANOVA STALNIH
SKUPŠTINSKIH KOMISIJA**

Član 1

U članu 2 Odluke Skupštine Brčko distrikta BiH o imenovanju predsjedavajućih i članova stalnih skupštinskih komisija (Službeni glasnik Brčko distrikta BiH, brojevi 47/16, 7/17 i 9/18), vrše se sljedeće izmjene:

- u tački 1 – Zakonodavna komisija, umjesto **Nenad Kojić, član** imenuje se **Bojan Đokić, član**;
- u tački 3 – Komisija za zaštitu ljudskih prava, umjesto **Bojan Đokić, član** imenuje se **Milan Purić, član**;
- u tački 4 – Komisija za ekonomski razvoj i poljoprivredu, umjesto **Radoslav Bogičević, član** imenuje se **Zoran Kokanović, član**;
- u tački 5 – Komisija za izbor i imenovanje i mandatno-imunitetska komisija, umjesto **Milan Purić, član** imenuje se **Bojan Đokić, član**;
- u tački 7 – Komisija za javnu bezbjednost i nadzor nad radom Policije, umjesto **Radoslav Bogičević, član** imenuje se **Zoran Kokanović, član**;
- u tački 9 – Komisija za obrazovanje, sport, kulturu i saradnju s vjerskim zajednicama, umjesto **Milan Purić, član** imenuje se **Bojan Đokić, član**;
- u tački 10 – Komisija za praćenje rada Vlade, Institucija Distrikta i predstavlja građana, umjesto **Siniša Golić, član** imenuje se **Radoslav Bogičević, član**;
- u tački 11 – Komisija za komunalnu, javnu djelatnost i zaštitu okoline, umjesto **Radoslav Bogičević, predsjedavajući** imenuje se **Siniša Golić, predsjedavajući**;
- u tački 13 – Komisija za sprovođenje Kodeksa ponašanja poslanika u Skupštini, umjesto **Bojan Đokić, član** imenuje se **Radoslav Bogičević, član**;
- u tački 17 – Komisija za mlade, umjesto **Bojan Đokić, član** imenuje se **Nenad Kojić, član**.

Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-417/18

Brčko, 4. 7. 2018. godine

**PREDSJEDNIK
SKUPŠTINE BRČKO DISTRIKTA BIH
Esed Kadrić, s. r.**

357

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), a nakon razmatranja Izvještaja Komisije za izbor i imenovanje i mandatno-imunitetske komisije, broj: 01.7-05-314/18 od 13. 3. 2018. godine, Skupština Brčko distrikta BiH, na II. nastavku 31. redovne sjednice održanom 4. jula 2018. godine, donosi

**ODLUKU
O USVAJANJU IZVJEŠTAJA KOMISIJE ZA IZBOR I
IMENOVANJE I MANDATNO-IMUNITETSKJE KOMISIJE O
PROVEDENOJ PROCEDURI ZA IZBOR KANDIDATA ZA
ČLANOVE NADZORNOG ODBORA JZU „ZDRAVSTVENI
CENTAR BRČKO“ BRČKO DISTRIKTA BIH**

Član 1

Usvaja se Izvještaj Komisije za izbor i imenovanje i mandatno-imunitetske komisije o provedenoj proceduri za izbor

kandidata za članove Nadzornog odbora JZU „Zdravstveni centar Brčko“ Brčko distrikta BiH.

Član 2

Sastavni dio ove odluke je Izvještaj Komisije za izbor i imenovanje i mandatno-imunitetske komisije, broj: 01.7-05-314/18 od 13. 3. 2018. godine.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-418/18

Brčko, 4. 7. 2018. godine

**PREDSJEDNIK
SKUPŠTINE BRČKO DISTRIKTA BIH
Esed Kadrić, s. r.**

358

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 14 Zakona o javnim preduzećima u Brčko distriktu Bosne i Hercegovine – prečišćeni tekst (Službeni glasnik Brčko distrikta BiH, broj 22/18), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Odluke Upravnog odbora JP „Komunalno Brčko“ d. o. o. Brčko distrikt BiH o izmjenama i dopunama Statuta JP „Komunalno Brčko“ d. o. o. Brčko distrikt BiH, Skupština Brčko distrikta BiH, na II. nastavku 31. redovne sjednice održanom 4. jula 2018. godine, donosi

**ODLUKU
O DAVANJU SAGLASNOSTI**

Član 1

Daje se saglasnost na Odluku Upravnog odbora JP „Komunalno Brčko“ d. o. o. Brčko distrikt BiH o izmjenama i dopunama Statuta JP „Komunalno Brčko“ d. o. o. Brčko distrikt BiH, broj predmeta: 01-01051/18, broj akta: 02.02-64-JB-013 od 17. 5. 2018. godine.

Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-419/18

Brčko, 4. 7. 2018. godine

**PREDSJEDNIK
SKUPŠTINE BRČKO DISTRIKTA BIH
Esed Kadrić, s. r.**

359

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), nakon razmatranja Izvještaja o radu Upravnog odbora JP „Komunalno Brčko“ d.o.o. Brčko distrikt BiH za period od 27. 7. 2016. do 31. 12. 2017. godine, Skupština Brčko distrikta BiH, na II. nastavku 31. redovne sjednice održanom 4. jula 2018. godine, donosi

ODLUKU

**O USVAJANJU IZVJEŠTAJA O RADU UPRAVNOG ODBORA
JP „KOMUNALNO BRČKO“ D.O.O. BRČKO DISTRIKT BIH
ZA PERIOD OD 27. 7. 2016. DO 31. 12. 2017. GODINE**

Član 1

Usvaja se Izvještaj o radu Upravnog odbora JP „Komunalno Brčko“ d.o.o. Brčko distrikt BiH za period od 27. 7. 2016. do 31. 12. 2017. godine.

Član 2

Izvještaj o radu Upravnog odbora JP „Komunalno Brčko“ d.o.o. Brčko distrikt BiH za period od 27. 7. 2016. do 31. 12. 2017. godine, broj predmeta: 01-00879/18, broj akta: 02.02-64-JB-013 od 26. 4. 2018. godine čini sastavni dio ove odluke.